



叩頭請乞長生飛仙及心告臨時既見之  
後二帝君當授真官矣

上台星名虛精求之感

帝王之夢及金玉念名求之必應

中台星名六淳求官祿興盛念名求之必得

吉遂

下台星名曲生求妻妾奴婢念名求之必遂  
太微帝君曰欲得延年長生富貴高遷須修  
此術若久久步之及設醮者能拔七祖罪累  
并己身災厄凡有厄患求之自滅若

帝王求道壽齊三光千變萬化福如山嶽為  
人重愛修道之者白日昇天三公卿相自感  
帝王愛夢官祿興旺凡是至淨人家有此法  
者辟一切病患及諸不祥昔漢劉景被百萬  
賊軍圍遠飛矢如雨士卒失色唯景安然無  
怖散披汗衫步七星網默許設醮忽有神人  
解圍賊皆散去此猶是常步醮之法況此秘  
密真訣皆得道真仙口傳之按七元科每一  
百年乃傳一人須有骨錄者不可妄傳殃及  
九祖如世人未能步網但一月兩醮自有感

應一年辟非橫二年辟兵厄三年辟死災四  
年見真形千災萬邪莫能侵害永無患矣

第一陽明星 子生人屬之食黍米

第二陰精星 丑亥生人屬之食粟米

第三真人星 寅戌生人屬之食糯米

第四玄冥星 卯酉生人屬之食小豆

第五丹元星 辰申生人屬之食麻子

第六北極星 巳未生人屬之食大豆

第七天關星 午生人屬之食小豆

醮物料

代人一十二瓶白米飯命縮一匹貼體衣一  
對命巾一丈二尺金環一對玉環一對鹽一  
斗二升糯米一石二斗銅錢一千二百文鼓  
一斗二升案表紙一百二十張筆一管墨一  
挺香爐淨水案一面鎮信線東方青絹九丈  
九尺南方緋絹三丈三尺西方白絹七丈七  
尺北方皂絹五丈五尺中央黃絹一十二丈  
二尺菓子所食粟李桃棗杏胡桃桃乾柿梨淨  
床二張一張安北壁面南上安七元圖圖用  
青絹兩幅長九尺畫之

凡醮時燒香下酒食都畢退後良久凝神  
執簡躬身相去一丈五尺微呪曰

維某年某月某日某時弟子具銜次云命屬  
某星下稽首再拜

次對謹請上聞

七元真君陽明陰精光明煥赫今夜降靈享  
茲薄禮暫降

天庭賜臣無畏身魂安寧除臣死籍注臣長  
生所求皆得所作皆成上感

帝王下感人情衆人欽愛飛昇紫庭降臨醮

席稽首再拜

次對謹請上聞

七元真君真人玄冥降臣淨庭饗臣微醮知

臣丹誠願昇仙都太陰無名役使萬神六甲

六丁上感天心下救蒼生降臨醮席稽首再

拜

拜

次對謹請上聞

七元真君丹元北極降臣淨庭削臣死名乞

臣道力壽齊三光福慶萬億神人衛身玉女

下直降臨醮席稽首再拜

次對謹請上聞

七元真君天關大神照耀臣身願臣長生得為帝賓顏如日月四時長春下界垢穢速登上真左盼鬱儀右携結璘玉童為使玉女為親降臨醮席稽首再拜

次對斗口謹請上聞

尊帝二星北極之靈人不曾見見即長生注臣飛仙勾臣死名福慶無窮與天齊傾速超仙都遊行上清降臨醮席稽首再拜

次對謹請上聞

輔弼真君一隱一顯至真至神佐相北極環遶紫宸願施道力成臣道因上扶天意下度迷津降臨醮席稽首再拜

次對西座謹請上聞

上台虛精中台六淳下台曲生小臣瀝懇再拜奉迎臣具薄禮臣意不輕盡心竭力知臣丹誠除臣死籍注臣長生位在高遷列官天庭心意開扉耳目聰明三魂永久七魄不傾上朝金闕下謁玉京乘駕雲龍位作仙卿降臨醮席稽首再拜都畢退後任真餐食如有

心告臨時啓開了宣讀單狀皆不可高聲及雜人知見其天地水三官設三位於斗杓之下其土地直日二分預燒錢供養使關奏却穢矣

祭文

維某年某月某日某時具州里街次敢昭告于

上天神后北極靈殿七元真君事意謹奏此章冒犯

北極輕黷

明神倍深戰慄之至謹奏

又朝夕朝禮心念之呪

謹請上聞

七元真君陽明陰精真人玄冥丹元北極天關之靈去臣死籍注臣長生所求皆得所作

皆成衆人欽愛飛昇紫庭

次念謹請上聞

尊帝二星北極之靈願臣早見即長生福慶無窮與天齊年

次念謹請上聞

三台至誠虛精六淳曲生之名願臣高遷列官天庭心意開扉耳目聰明三魂永久七魄不傾

又北斗延生神呪念之安神延壽

北斗七元七靈玉真貪狼巨門保臣長存祿存文曲護臣生魂廉貞武曲衛臣生門破軍輔弼保臣長生除却災厄絕去邪精落下死籍注上生名脫免三災拔散九橫至真攝鬼群魔摧傾學道修真願臣早成七元守衛身飛紫庭


凡未下牀及臨卧二時存體安神捍厄之呪皆默念一遍方下足及卧呪曰

貪狼之諱陽明之星玉皇尊神一萬兵衆來扶我身巨門之諱陰精之星祿存真人文曲玄冥廉貞丹元武曲之諱北極之星破軍之


諱天關之星七生尊神千萬萬在吾左右左有青龍右有白虎前有朱雀後有玄武持幢建節在吾左右千重萬重急如律令

此法王侯行之夷夏率服民人富昌長生久視與天同光道人修之上昇世人行之延壽

秘密而保勿輕易之  
北帝七元真形圖帶佩之大集福慶




北斗第一陽明星真形




北斗第二陰精星真形




北斗第三真人星真形




北斗第四玄冥星真形




北斗第五丹元星真形



北斗第六北極星真形



北斗第七天關星真形



北帝七元紫庭延生祕訣

鄧天君玄靈八門報應內旨

吹二

天君降筆親書玄靈八門內旨掌上六十  
甲子祕訣其旨乃九宮通用八門直日報  
應之訣斷例自與徐神翁打門樵歌訣鬼  
敲門之法相同亦不在占燈占課得此訣  
者毋抱執泥次宜習誦熟記其吉凶自有  
神告之妙萬試萬靈

先鍊斗中二使更畫二使真像晨夕寅奉  
雙飛七星罡吹呵熇坎離嬰兒蛇女結二使  
浴華池金木水火土去未知生死把斷四天  
門不問驗不驗斗中內景默點長生

口訣斷詩

世人有病勘其因默點八門四理真口傳此  
字長生訣不須物外更求真

陽日八門默點直日報應詩

若遇休門須掘土更早悲喜定元因任你扁  
鵲也判死徐公口親授真

陰日八門默點直日報應詩

若遇驚門且過詢危險三日定元因更過景  
日徐公保盧醫扁鵲不度真